

ԳՆԱՀԱՏՄԱՆ ԵՎ ԹԵՍՏԱՎՈՐՄԱՆ ԿԵՆՏՐՈՆ

ԱՆԳԼԵՐԵՆ

ՈՒՍՈՒՑԻՉՆԵՐԻ ԿԱՄԱՎՈՐ ԱՏԵՍՏԱՎՈՐՄԱՆ
ՔՆՆԱԿԱՆ ԹԵՍՏԻ

Ո Ւ Ղ Ե Յ Ո Ւ Յ Յ

ԵՐԵՎԱՆ 2024

ՆԱԽԱԲԱՆ

Ուղեցույցում ներկայացված է «Անգլերեն» առարկան դասավանդող ուսուցիչների ատեստավորման քննության թեստի կառուցվածքը, տրված են առաջադրանքների կառուցվածքային տեսակների նկարագրությունը, առաջադրանքներում ընդգրկվելիք ծրագրային նյութի շրջանակները և գնահատման չափանիշները:

Ուսուցիչների ատեստավորման թեստերի կազմման համար որպես հիմք են ընդունվել «Անգլերեն» առարկայի հանրակրթական դպրոցի ծրագրերը և չափորոշիչները:

ԹԵՍՏԻ ԿԱՌՈՒՑՎԱԾՔԸ

Թեստային առաջադրանքները հետևյալ կառուցվածքային տիպերի են՝ ընտրովի պատասխանով առաջադրանքներ և կարճ պատասխանով առաջադրանքներ:

Ընտրովի պատասխանով և կարճ պատասխանով առաջադրանքների յուրաքանչյուր ճիշտ պատասխանի համար տրվում է 1 միավոր:

Թեստը գնահատվում է 65 միավոր:

Առաջադրանքների կատարման համար հատկացվում է 180 րոպե: Թեստը անցկացվում է համակարգչային եղանակով:

ԱՌԱՋԱՂԴԱՆՔՆԵՐԻ ԿԱՌՈՒՑՎԱԾՔԱՅԻՆ ՏԵՍԱԿՆԵՐԸ ԵՎ
ԳՆԱՀԱՏՄԱՆ ՉԱՓԱՆԻՇՆԵՐԸ

Առաջադրանքների կառուցվածքային տեսակները

Ընտրովի պատասխանով առաջադրանքներ

- Մեկ ճիշտ պատասխանի ընտրությամբ առաջադրանքներ

Կառուցվածքը: Տրվում է պատասխանի չորս տարբերակ, որոնցից միայն մեկն է ճիշտ:

Անհրաժեշտ է նշել ճիշտ պատասխանը:

Գնահատման չափանիշը: Ծիշտ պատասխանի համար տրվում է մեկ միավոր, սխալ պատասխանի կամ պատասխանի բացակայության դեպքում միավոր չի տրվում:

- Բազմակի ճիշտ պատասխանների ընտրությամբ առաջադրանքներ

Կառուցվածքը: Տրվում է որևէ նյութ՝ տեքստ, նախադասություն, բառաշարք և այլն:

Անհրաժեշտ է ընտրել և նշել պահանջին համապատասխանող ճիշտ տարբերակները:

Գնահատման չափանիշը: Ծիշտ և լիարժեք պատասխանի համար տրվում է մեկ միավոր: Սխալ, թերի պատասխանի կամ պատասխանի բացակայության դեպքում միավոր չի տրվում:

Համարների հստակ հերթականության պահպանմամբ առաջադրանքներ

Կառուցվածքը: Տրվում է որևէ նյութ՝ տեքստ, նախադասություն: Անհրաժեշտ է պատասխանի համար նախատեսված դաշտում մուտքագրել տրված նախադասությունների թվերը՝ ճիշտ հերթականությամբ այնպես, որ ստացվի կապակցված տեքստ:

Գնահատման չափանիշը: Պատասխանի համար տրվում է մեկ միավոր, եթե թվերը դասավորված են ճիշտ հերթականությամբ: Միսալ, թերի պատասխանի կամ պատասխանի բացակայության դեպքում միավոր չի տրվում:

Համապատասխանեցմամբ առաջադրանքներ

Կառուցվածքը: Ձախ սյունակում տրված ամեն տարբերակին պետք է համապատասխանեցնել աջ սյունակում տրված տարբերակներից որևէ մեկը և բացվող պատուհանի տարբերակներից ընտրել ճիշտ պատասխանը:

Գնահատման չափանիշը: Ճիշտ և լիարժեք (եթե նշված են պահանջին համապատասխանող բոլոր միավորների համարները) պատասխանի համար տրվում է մեկ միավոր, սխալ, թերի պատասխանի կամ պատասխանի բացակայության դեպքում միավոր չի տրվում:

ԱՌԱՋԱԴՐԱՆՔՆԵՐՈՒՄ ԸՆԴԳՐԿՎԱԾ ՆՅՈՒԹԸ

Անգլերենի թեստի առաջադրանքների կատարման համար նախատեսվում է գիտելիքների հետևյալ ծավալը.

Տեքստի ընկալում:

Քերականություն

Չևարանություն

Գոյական անուն. թիվ, հոլով:

Հոդ. անորոշ, որոշյալ և հոդի բացակայություն:

Ածական անուն. համեմատության աստիճանները, կազմության առանձնահատկությունները, համեմատական կառույցները:

Թվական անուն. քանակական և դասական թվականներ:

Դերանուն. անձնական, ստացական, ցուցական, անորոշ, որոշյալ, ժխտական, հարցական, հարաբերական, անդրադարձ, փոխադարձ:

Բայ. բայի հիմնական ձևերը, կանոնավոր և անկանոն բայեր, անցողական և անանցողական բայեր, լիմաստ բայեր, օժանդակ բայեր, բայ-հանգույց:

Բայի ժամանակները (Present, Past, Future, Future-in-the-Past) և ժամանակային խմբերը (Indefinite, Continuous, Perfect, Perfect Continuous): Ժամանակների համաձայնեցում:

Բայի եղանակը (Indicative, Imperative, Subjunctive), սեռը (Active, Passive):

Բայի անդեմ ձևերը (Infinitive, Gerund, Participle I, Participle II):

Եղանակավորող բայերը և դրանց համարժեքները (can/could, may/might, must, should, would, ought to, need, be able to, have to, be to....):

Մակբայ. մակբայի տեսակները, համեմատության աստիճանները, կազմության առանձնահատկությունները:

Նախդիր. նախդիրների գործածությունն ըստ իմաստի, նախդրավոր բայեր և արտահայտություններ:

Շաղկապ (համադասական, ստորադասական) և կապակցող բառեր:

Շարահյուսություն

Նախադասության տիպերն ըստ կազմության. պարզ (համառոտ և ընդարձակ) նախադասություններ, բարդ (համադասական և ստորադասական) նախադասություններ, գլխավոր և երկրորդական նախադասություններ, երկրորդական նախադասության տիպերը: Նախադասությունների դասակարգումն ըստ նպատակի (պատմողական, հարցական, ժխտական) և դրանց շարահյուսությունը: Նախադասության գլխավոր և երկրորդական անդամներ: Անդեմ նախադասություններ: Հարցական նախադասությունների տիպերը (General, Special, Alternative, Disjunctive): Ենթակայի և ստորոգյալի համաձայնեցում: Շրջուն շարահյուսություն:

Ուղղակի և անուղղակի խոսք, կազմության առանձնահատկությունները:

Բառագիտություն

Բառակազմություն

Ածանցում և բառաբարդում, անգլերենի առավել գործածական գոյականակերտ, ածականակերտ, թվականակերտ, մակբայակերտ, բայակերտ վերջածանցներ և նախածանցներ:

Բառապաշար

Բառեր և արտահայտություններ, բազմիմաստ բառեր, հոմանիշներ և հականիշներ, դարձվածքներ (կայուն բառակապակցություններ):